

# Tækniskólalínan

1. tbl. 13. árg. 2020



Vorönn 2020

# Velkomin í Tækniskólann!

## Þjónusta

Aðalskrifstofa skólans er staðsett á annarri hæð við aðalinnganginn á Skólavörðuholti. Hún er opin frá kl. 08:00–15:00 alla virka daga. Skrifstofur skólans á Háteigsvegi (4.h) og í Hafnarfirði (2.h) eru á bókasafni og opnar á afgreiðslutíma safnsins. Upplýsingar um afgreiðslutíma eru á vef skólans.

## Bókasafn - Upplýsingamiðstöð

**Bókasafn** skólans er á þremur stöðum, í Hafnarfirði, á Háteigsvegi og Skólavörðuholti. Starfsfólk safnsins aðstoðar nemendur við upplýsingaleit og heimildaöflun. Lesstofur og tölvur eru á öllum stöðum. Einnig er aðstaða til prentunar og skönnunar. Upplýsingar um afgreiðslutíma eru á vef skólans.

## Tölvuþjónusta

Við upphaf annar fá nemendur tölvupóst frá tölvuþjónustunni með leiðbeiningum um hvernig á að tengjast tölvukerfi skólans. Nemendum býðst m.a. aðgangur að Office forritum frá Microsoft, þráðlausu neti, prentun og fleira. Ef nemandi gleymir lykilorði sínu þá getur hann farið á [lykilorð.tskoli.is](http://lykilorð.tskoli.is) og fengið tölvupóst til að breyta lykilorði. Nánari upplýsingar er að finna á vefsíðu [tölvuþjónustunnar](#).

## Inna og kennsluvefur

**Inna** er upplýsingakerfi skólans sem heldur utan um alla þætti náms hjá nemendum, m.a. vitnisburð, einkunnir, ástundun, mætingu og námsferil. Inna er einnig kennslukerfi skólans. Við innskráningu á Innu er notaður Íslykill eða rafræn skilríki. Aðstandendur ólögráða nemenda fá einnig aðgang að Innu og nemendur eldri en 18 ára geta sjálfir veitt foreldrum eða forráðamönnum aðgang að Innu. Mikilvægt er að nemendur gæti þess að netföng þeirra og símanúmer séu rétt skráð í Innu.

## Námsver og sérþarfir

Í **námsverum** skólans geta nemendur fengið aðstoð við próftöku og heimanám auk þess sem þar er veitt aðstoð í almennum grunngreinum. Einnig er hægt að leita til námsvera við verkefna- og ritgerðasmíð. Námsverin eru á bókasöfnum skólans. Upplýsingar um opnunartíma eru á vefsíðu skólans.

Nemendur skrá umsókn um **sérúrræði rafrænt í Innu** og þurfa jafnframt að skila inn gögnum á skrifstofuna.

## Töflubreytingar

Í upphafi annar er gefin út ný stundatafla fyrir önnina. Ef áfangi er ekki í töflu samkvæmt vali þá getur nemandi óskað eftir töflubreytingu. Töflubreytingar eru eingöngu fyrir þá sem ekki fengu áfanga í töflu samkvæmt vali. Óskir um töflubreytingar eru gerðar rafrænt í Innu, þann 3. janúar.

## Hvað þýða áfangaheitin?

**ÍSLE2AA05AT:** Áfanginn er á 2. þrepi, 5 einingar og A tákna að hann sé fyrstur í röð, T=Tæknimenttaskólinn  
**ÍSLE2AA05AT-Hát** = kennt á Háteigsvegi  
**ÍSLE2AA05AT-Hfj** = kennt í Hafnarfirði

Gagnlegar upplýsingar og útskýring á **stundatöflum** eru á vef skólans.

## Úrsögn úr áfanga

Ef nemandi hyggst segja sig úr áfanga þarf hann að fylla út sérstakt eyðublað á skrifstofu eða bókasafninu. Nemendur yngri en 18 ára þurfa samþykki forráðamanns fyrir úrsögn úr áfanga. Úrsögn úr áfanga getur verið háð samþykki viðkomandi skólastjóra. Gott getur verið að ræða við náms- og starfsráðgjafa áður en tekin er ákvörðun um úrsögn. **Athugið!** Síðasti dagur til að óska eftir úrsögn úr áfanga er 17. janúar.

## Útskriftarnemendur

Nemendur sem hyggjast útskrifast í lok annar þurfa að gefa sig fram við skólastjóra sinn og skrá sig til útskriftar eigi síðar en 17. janúar.

## Umsjónarkennarar

Nemendur geta leitað til umsjónarkennara með allt er varðar námið. Umsjónarkennarar hafa vikulega viðtalstíma sem skráðir eru í stundatöflu nemenda.

## Upplýsingar um forföll kennara

Forföll kennara eru tilkynnt nemendum í Innu og með tölvupósti.

## Náms- og starfsráðgjafar

**Náms- og starfsráðgjafar** eru til viðtals fyrir nemendur um allt sem lýtur að námi þeirra. Nemendur geta rætt persónuleg vandamál sín við námsráðgjafa í þeirri fullvissu að þeir séu bundnir þagnarskyldu. Innan skólans eru námsráðgjafar málsvarar nemenda. Upplýsingar um viðtalstíma og staðsetningu námsráðgjafa er að finna á vef skólans.



## Sálfræðingur

Markmið með **sálfræðipjónustu skólans** er að veita nemendum ráðgjöf og fræðslu um námstækni, kvíða, þunglyndi, ADHD, bættu mætingu o.fl. Sálfræðingur skólans er staðsettur í viðtalsherbergi 218 á Skólavörðuholti. Hann hefur einnig viðveru í Hafnarfirði og Háteigsvegi. Hægt er að panta tíma í gegnum Innu, senda póst á [bbs@tskoli.is](mailto:bbs@tskoli.is) eða koma við og sjá hvort hann er laus.

## Forvarnarfulltrúi

**Forvarnarfulltrúi** er til viðræðu við nemendur sem hafa áhyggjur af eigin vímuefnaneyslu, vina sinna eða vandamanna. Viðtalstímar forvarnarfulltúa eru auglýstir á vefsíðu skólans.

## Vottorð vegna veikinda

Ekki er þörf á að hringja í skólann ef nemandi getur ekki mætt í kennslustund eða námsmat vegna veikinda. Forföll eru tilkynnt til skólans á eftirfarandi hátt: Forráðamenn skrá veikindi nemenda undir 18 ára beint inn í Innu. Ef nemandi gefur forráðamönnum aðgang að Innu eftir að 18 ára aldri er náð, hefur forráðamaður áframhaldandi heimild til að skrá **veikindi beint í Innu**. Nemendur sem eru orðnir 18 ára þurfa að skila læknisvottorði á skrifstofu skólans innan viku frá þeim degi sem þeir koma aftur í skólann eftir veikindi. Ef nemandur veita aðstandendum leyfi til veikindaskráningar, er ekki þörf á að skila læknisvottorði. **Athugið** að ekki er tekið við vottorðum vegna fjarvista hluta úr degi.

## Valvikan

Í valvikunni 9.–13. mars, staðfesta dagskólanemendur umsókn um skólavist á næstu önn. Nemendur verða að mæta í viðtalstíma umsjónarkennara síns, yfirfara með honum áfangaval sitt fyrir næstu önn og staðfesta valið. Einnig er mikilvægt að greiða í heima-banka staðfestingargjald skólagjalda sem er kr. 5000. Athugið að valvikan og staðfestingargjaldið á ekki við um nemendur sem eru á brautum í Meistaraskóla, flugvirkjun, vefþróun, margmiðlun, hljóðtækni, kvikmyndatækni eða í almennu dreifnámi.

## Skólasókn

Nemendur skulu sækja allar kennslustundir í þeim áföngum sem þeir hafa valið sér og mæta stundvíslega. Ef nemandinn mætir ekki í skólann eða gerir ekki grein fyrir fjarveru sinni fyrstu kennsluvikuna, er litið svo á að hann ætli ekki að stunda nám í skólanum. Sé nemandi fjarverandi úr kennslustund eða fjarverandi meira en 20 mínútur af kennslustund fær hann

1 fjarvistarstig. Komi nemandi of seint til kennslu fær hann 0,5 fjarvistarstig. Skólasóknareinkunn er gefin fyrir heildarmætingu.

Fyrir góða raunmætingu 95-100% fær nemandi eina námseiningu sem nýtist sem hluti af frjálsu vali. Reglulega er gerð úttekt á skólasókn nemenda. Nemendur sem reynast með 80-90% mætingu á úttektardegi fá viðvörun. Nemendur með mætingu undir 80% eru boðaðir í viðtöl til umsjónarkennara eða skólastjóra. Fari nemandi niður fyrir 80% heildarmætingu áskilur skólinn sér rétt til að vísa honum úr skóla. Kvartanir vegna fjarvistarskráningar eiga að berast til kennara áfangans.

## Geymsluskápar

Á Háteigsvegi, Skólavörðuholti og í Hafnarfirði eru geymsluskápar til afnota fyrir nemendur án endurgjalds. Reglurnar eru einfaldar: Fyrstur kemur fyrstur fær, ef skápur er opinn er hann laus til notkunar. Nota skal eigin lás, lásar fást endurgjaldslaut á bókasöfnum skólans. Skápa á að tæma og skilja eftir opna í lok skólaárs 1. júní ár hvert. Eftir það verður klippt á lása sem enn eru á skápum og innihaldi skápanna fargað.

## Félagslífið

Tækniskólinn leggur ríka áherslu á að í skólanum sé mikið og fjölbreytt **félagslíf**. Innan undirskóla Tækniskólans starfa skólafélög sem mynda nemenda-samband Tækniskólans, NST. Hlutverk NST og skólafélaganna er að halda utan um félagslíf skólans, klúbba, keppnir innan og utan skóla og aðrar uppkomur. Nemendur eru hvattir til þess að tengjast NST á Facebook, Instagram og Snapchat, nánari upplýsingar á vefsíðu skólans.

## Félagsmálafulltrúi

**Félagsmálafulltrúi** skólans aðstoðar nemendafélögin í sínu starfi. Hann veitir allar nánari upplýsingar og svarar fyrirspurnum með tölvupósti [tgu@tskoli.is](mailto:tgu@tskoli.is) eða í síma 698-3857.



Nemendasambandið

/nstskoli

## Umgengni

Nemendur skulu ganga vel og snyrtilega um skólann. Í Hafnarfirði þurfa allir að fara úr útiskóm áður en gengið er inn í rafmagnsálmú á fyrstu hæð, og upp á aðra og þriðju hæð.

### Prentkort

Til að nálgast prentverk í prenturum eða til að ljósrita á fjölnotavélum þurfa nemendur að hafa auðkenniskort. Kortinu fylgja a.m.k. 100 prenteiningar, en sumar brautir fá fleiri einingar.

- 1 prenteining - A4 svart/hvít
- 2 prenteiningar - A4 í lit og A3 svart/hvít
- 4 einingar - A3 í lit

Nemendur sækja um prentkort á bókasöfnum skólans og greiða þar 500 krónur. Prentkortin eru yfirleitt tilbúin samdægurs eða daginn eftir en þau þarf að láta virkja við afhendingu.

## Húsnæði

**Húsnæði** Tækniskólans er á nokkrum stöðum í Reykjavík og í Hafnarfirði, sjá myndir og heimilsföng hér til hliðar.

### Mötuneyti

**Mötuneyti** er á 3. hæð á Skólavörðuholti, á 4. hæð á Háteigsvegi og á 2. hæð í Hafnarfirði.

### Farsímar

Notkun farsíma eða annarra snjalltækja í kennslustund er háð heimild/samþykki kennara hverju sinni.

## Reykingar

Reykingar og öll notkun tóbaks, þ.m.t. munntóbaks og rafsígarettna, er óheimil í húsnæði og á lóð framhaldsskóla.

## Tryggingar

Nemendur og munir þeirra eru ekki tryggðir sérstaklega hjá skólanum. Fjölskyldu- og heimilstryggingar nemenda bæta ýmis tjón.

## Vefur Tækniskólans - [www.tskoli.is](http://www.tskoli.is)

Nemendur eru hvattir til að kynna sér vef skólans. Þar eru birtar upplýsingar um allt sem viðkemur starfsemi og námsframboði Tækniskólans.

## Húsnæði Tækniskólans



Aðalbygging  
Skólavörðuholti  
Stofur S101A-S504



Sjómannaskólinn  
Háteigsvegi, Rvk.  
Stofur H001-H309



Aðalbygging  
Flatahrauni 12, Hfj.  
Stofur TH101-TH318



Sjómannaskólinn  
Háteigsvegi, Rvk.  
Vélahús,  
HS- og HV- stofur



Gjótan  
Gjótuhrauni 7, Hfj.  
Pipulagnir



Í húsnæði Sýrlands  
Vatnagörðum 4  
Hljóðtækni  
Kvikmyndatækni



Skeljanes 15  
Skerjafirði  
Stofur S-MÚR  
Múrsmiði



Árleynir 4  
Keldnaholt  
Flugvirkjun

Varðinn 2020



## Mikilvægar dagsetningar!

3  
JAN

Opnað fyrir stundatöflur  
Töflubreytingar

6  
JAN

Kennsla hefst samkvæmt stundaskrá

17  
JAN

Úrsögn úr áfanga/skráning til útskriftar  
Síðasti dagurinn!

27  
FEB

Námsmat/endurgjöf

Vetrarfrí nemenda 27. febrúar til 2. mars

9  
MAR

Valvika - Skólavist á næstu önn

9.-13. mars

6  
APR

Þáskafrí hefst

6.-14. apríl

Sjá nánar í skóladagatali á vef skólans

Tækniskólinn  
skóli atvinnulífsins